

德州府志

德州鄉土志

歷史

德州本境明洪武七年置

按歷史與州志德州之名始於隋開皇九年廢平原郡置德州治安德縣大業復平原郡唐武德又改德州開元又改平原郡乾元又改德州皆今陵縣地今州境皆為縣隸焉唯石晉移德州治長河縣為今州境十九年仍移復安德歷宋金元直至明洪武七年未改故本州之置以前明為斷

歷史

未置德州以前

唐虞夏屬兗州

夏封有高氏國

此高國之始

商高氏國屬兗州

周春秋戰國屬齊

或云兼屬趙州志證其誤甚確

秦高縣屬齊郡

秦立高城始為縣在高津河之東漯水之西即高氏

國地

此高縣之始

漢高縣屬平原郡

後漢高縣屬青州平原郡

三國高縣屬平原國

曹操築臨齊城於高縣之東北即今境內之邊臨鎮

晉高縣屬冀州平原國

東晉高縣屬冀州安德郡即平原國

沒於石勒繼淪於燕又淪於苻秦又淪於後燕卒歸北魏

北魏高縣屬冀州安德郡

高四面受敵不如臨齊有險可守遂移治臨齊自秦至此

歷史

其地一移

北齊高縣屬安德國

北周高縣屬安德郡屬周僅四年

隋繹幕縣廣川縣長河縣屬平原郡

隋廢高縣遷立繹幕縣先有繹幕縣不涉本境於安樂縣西南二

十五里安樂為安德改名為今陵縣地平原郡德州皆治此又廢繹幕入安樂縣立

新廣川縣在安樂縣西北五十里在今德州城東十

里仁壽初避太子諱改名長河縣此長河縣之始大業以前

屬德州後屬冀州平原郡自秦至此其名一易再易三自北魏至此其地再移三移易又

開皇六年以縣東北遼遠置將陵縣在今直隸吳橋縣界先屬德州後屬平原郡

唐長河縣屬河北道平原郡

武德間屬德州開元又屬平原郡乾元又屬德州自元和四年起終唐之世世為王氏所據王承宗私移長河縣治于白橋在永濟河西岸去故城三十里隋自

至此其地四移

五代梁唐長河縣屬德州

仍為王氏所據

歷史

五代晉漢長河縣屬德州

晉天福間移德州治長河縣以防契丹自晉天福至

周顯德為德州治十九年

五代周長河鎮屬將陵縣

顯德間廢縣鎮地屬將陵自隋至此其名四易

宋將陵縣屬河北東路德州

景祐元年移將陵縣治於長河鎮二年廢安陵縣入

馬

此將陵縣之始自後周至此其名五易

金將陵縣屬山東西路景州

割將陵縣北境立吳橋縣將陵縣仍在長河故地  
元陵州屬河間路

元憲宗改將陵縣隸河間路又升將陵為陵州隸濟  
南路至元二年復降將陵縣三年復升陵州廢故城

縣為鎮入焉二十三年割陵州西南別立故城自宋至此其名

大易知州秦政移建州治於舊治西北七里自唐至此其地五移

明陵縣屬濟甯府

惠川屬濟南府

洪武元年降陵州為陵縣隸濟甯府七年廢陵縣移

歷史

德州治此並廢安德縣入焉隸濟南府領德平平原

二縣十三年於安德廢縣別置陵縣三十年御河東

築衛城永樂九年移德州治於衛城此今德州之始自元至此其名七易八易

其地大移

既置德州以後

國朝德州屬濟南府

仍明制領德平平原二縣雍正三年撥二縣隸濟南

府定為散州

德州衛

明洪武元年分兵守陵州是為守衛千戶所九年改  
守衛千戶所為德州衛三十年建衛城於御河東  
永樂五年增置左衛兩衛皆設指揮千百戶等官分  
城軍邊軍運軍

國朝順治三年裁邊軍留運軍改設兩衛守備康熙  
二十七年裁左衛守備歸併正衛守備光緒二十八  
年裁撤衛守備德正幫於是運軍亦裁各軍屯土地  
人民在各州縣境內者錢糧詞訟即歸各州縣管理  
計德州管理七所五十七屯內有已廢者三屯寔止

歷史

五十四屯

歷史

政績錄

東漢

吳漢南陽宛人官大司馬擊清河平原皆下之鬲縣  
五大姓共逐守長據城反諸將欲攻之漢不可曰使  
鬲反者皆守長罪也敢輕冒進兵者斬乃移告諸郡  
收守長而使人謝城中五姓五姓喜相率歸降諸將  
拜服曰不戰而下城非衆所及也

隋

政績錄

郭絢官涿郡通守大業十二年絢討高士達於長河  
為竇建德所襲死之

唐

顏真卿官平原太守天寶十四年祿山反真卿使親  
客懷購賊牒詣諸郡協謀舉兵討賊克魏郡收祿山將  
袁知堂口邑執逆黨段子光腰斬以徇於是山東諸郡  
共推真卿為盟主軍聲大振長河隸平原即在郡西  
五十里其受保障之力尤為切近

程權官滄州節度使元和十一年敗王承宗於長河

五代晉

梁進官沿河巡檢開運元年契丹將麻答陷德州進以鄉社兵復之是時之德州即今德州也

宋

陳堯佐官知滑州事天禧五年河決堯佐築長堤導河東流至今名陳公堤

元

蒙哥官陵州達魯花赤中統三年濟南李壇反蒙哥力戰死之

政績錄

秦政官陵州知州至元二十三年政移建州治於舊治西立馬營三十一年改建儒學於州治西南杜明官陵州知州政平訟理吏不敢欺先是秦政改建學宮衛益之繼備之延祐二年明置祭器課生徒勤講肄以身先之風化大行齊八元官學正與杜明同時謝絕人事盡心訓迪弟子日衆成材者多

迪哩彌實官河間路總管延祐四年悉收陵州羣兇之為官民害者繫死獄中

崔敬官中書參知政事至正十七年山東毛貴田豐  
等作亂據東昌敬與平章達蘭參知諳達分省陵州  
陵州乃南北要衝無城郭居民散處敬兼領兵刑戶  
工四部事供給諸軍事無不集又以民力日疲請行  
納粟之令以給費民獲小甦

也速官丞相至正十八年守陵州東昌賊北寇連縱  
之過境而邀擊於景州大破之斬獲殆盡

明

韓觀官督都建文元年命觀練兵於德州秋季景隆

政績錄

合兵五十萬討燕觀築十二連城於衛城東北以護  
倉儲

盛庸官都督鉉官參政建文二年五月燕將陳亨  
等陷德州八月庸鉉領兵復之

宋禮官治河尚書永樂九年疏會通河入土河開四  
女減水河

韋景元官德州知州正統八年景元修州城建譙樓  
脩學宮任滿擢本府同知州民乞留任又五年始升任去  
洪釗官德州知州景泰五年脩學宮始編志稿

王縉刑臺貢生官德州知州成化九年建鄉賢祠成  
化二十年開東南大路縉建大橋由黃河涯赴曲陸店又  
建土橋於界河在任十餘年與百姓相安加四品服俸  
韓熙官德州州同知上官知其廉幹數委以事清伍  
運糧訊寃賑飢事皆有濟

甯河通州進士官德州知州正德五六年間禦劉六  
劉七之變安戢民衆捍守有方州境不擾

桂勇官守備正德六年流寇數萬壓境勇勒兵嚴備  
洞開城門市肆貿易如故賊疑不敢入勇復以數十

政績錄

騎繞賊後偵知虛實乃乘夜發伏縱擊之斬獲無算  
餘賊大懼解散去州中藉以安堵時知州甯河同心  
協力相資如左右手故事事有功

何洪官德州知州嘉靖七年大修羅城廣二十餘里戴  
纓如皋舉人官德州知州舉荒政定力征州人懷之  
趙梧岡官錦衣衛指揮嘉靖間德州河決治水有功  
唐文華懷慶舉人官德州知州萬曆四年始修州志  
黃克纘官山東巡撫疏罷增餉四十萬命署德州知  
州孫森重修德州城

傅賓鳳晉江進士以戶部主事司德州倉倉有大小  
二量乃剖其大者收納如額輸者無留難一切朘削之  
政悉罷去兼司稅務及額而止支給中度衛士民皆感悅  
孫森慈谿舉人萬曆四十年以濟南同知署德州時  
州城傾圮象憚於謀始森毅然任之初計以三年為  
期銀需五萬森隨宜譬畫增障澹隍甃以甌石創建  
雁塢振河閣敵樓戎舍無不周備城外築迴龍壩期  
月而成省費四之一工既竣以勞積為病仕州人祀  
之

政績錄

馬明瑞平湖舉人官德州知州下車伊始百廢俱興  
築堤護河作閘於其下流又移建董子祠於河上為  
醇儒書院在任五年升安慶同知撫按交章題留改  
濟南同知仍管德州事者又三年

馬維駟陽曲進士以戶部主事司德州倉寬嚴得宜  
時援朝鮮事急借德度克餉象未敢定駟投袂而起  
以便宜發數十萬石師得宿飽人服其果敢任事宋  
師程永年進士以戶部主事司德州倉始至敝衣糲  
食盡斥蠹役度政為之一清

焦源清三原進士以戶部主事司德州倉廉介有名  
與宋師程埒

來斯行官武德道天啟二年白蓮教于宏志作亂於  
白家屯斯行率州兵會同天津景州兵搗其巢剿滅  
之

周天永官德州守備天啟間山海潰卒南下所在剽  
掠永設伏擒斬殆盡境內無患

馬燿官參將鎮德州時有深衛大盜賈邦煥糾黨數  
百攻劫王官店諸村燿率數十騎直前左右馬射斃

政續錄

賊三十八人遂潰去不敢窺州境

雷縝祚江南舉人官武德道半采矯矯不畏強禦值  
總督范至完趙光祚戢下不嚴所至縱兵淫掠縝祚  
上疏劾之二督坐斬

國朝

祝恩信官武德道劉思文官德州知州順治四年平  
原賊張二幌子祁和尚唐喝子等作亂十一月中潛入  
州城劫道庫旋赴州署劉思文率其姪劉珍甥蔡經  
邦射中賊首賊逸祝恩信率兵至黃河涯殲滅之

梁維樞真定舉人官武德道純誠無偽樂易近人政  
持大體不責苛細每屬吏上謁輒霽顏諮詢使各盡  
其懷間有不稟教者即糾劾不少貸吏民畏而懷之  
劉源深新鄉進士官武德道清慎勤敏御下有威稍  
涉貪墨銖兩必罪巡撫檄署按察使時東省奸民叩  
閭刁訟者案牘填委源深精心訊讞被誣陷者悉原  
之矜全數百人以是積勞嘔血卒於官喪歸之日行  
孝蕭然道路莫不流涕

劉國楨福州府恩貢官德州知州寬和簡易

政績錄

心以罪誤去職士民遮道祖餞涕泣如雨楨豪於人  
觴咸為卒爵扳留者三日及發泪點酒痕斑斑衣袖  
間也

劉芳聲以山西冀寧道誦知德州性剛斷明察不容  
人過奸胥猾吏侍左右凜凜若負冰霜無敢萌私念  
者素善病卧理簿書事皆就理徵收錢糧不責羨加  
羨者輒返之一切雜派陋規革除殆盡

金祖彭官德州知州康熙十二年重修州志較前志  
加詳

佟淮年官德州知州康熙十七年建義學修浮橋建奎樓董顏祠

徐宏業官山東督糧道時初駐德政聲丕著又極愛才重士擇舊家子弟讀書署中延陶紫筭孫勳為師多所成就吳軫武進進士官德州知州康熙二十九年御河淤軫與紳士捐銀雇夫挑浚

許嗣國官德州知州康熙二十三年清理民間寄名糧地三十四年查造業戶冊

王朝佐官德州知州康熙四十四年建議免徵淺

政績錄

藍昌後即墨舉人官學正以德迪人善於訓

三課典衣為饑寒暑無間州人助之則具酒食勞優者士以是勸及卒甌釜蕭然門人其棺衾歛之喪不能歸里士無貧富爭致賻焉

李樹德官山東巡撫康熙五十七年築磚堤於德州小西門外

余甸南平進士雍正元年以陳鵬年荐擢山東督糧道策蹇之任盡革貪墨之政聲名大振未三月以他事去職民奔是罷市痛哭挽留投薪水米菜以供其

家及赴豫質審民跋涉至濟南餞送者數百人後事  
白遷按察使

西勒塔官德州城守尉駐防滿兵初頗擾民而不節  
於用往往患貧塔履任後為之嚴禁經理周匝營卒  
初苦其嚴久而兵民相安人無妄費家多溫飽於其  
去也皆哭送之

陳留武奉天舉人官德州知州革從前一切弊政訊  
讞一時無兩審詞用木皂催糧州紙皂故民不擾雍  
正二年修學宮三年建崇聖祠節孝祠開廂

政績錄

義學歲祿開倉減糶設糜施賑旁近州

惠後以戶口溢額太多坐虧空免官被逮之日州民

罷市哭送巡撫岳濬面奏其才復為起臨清州知州

陳世倌海寧進士官山東巡撫雍正五年全裁淺夫

湯豫誠睢州進士官書斌族孫也初令海豐獨以清  
操顯雍正中累擢督糧道廉介有為人愈謂不愧門風

廣壽官山東督糧道於雍正十二年捐已貲置義田  
一頃四十九畝一分三厘入普濟堂收養貧民

王朝選官糧捕通判性極剛直有廉名州縣民控於

大府者輒求下王判府

趙城通海進士官山東督糧道簡重安和無裨政無  
廢事遇士以禮御屬以誠乾隆四年重修學宮遴委  
太學生杜無逸董其事概不令吏胥涉手故歷久不  
敝課士專講理學望半采者皆欽為先正規範  
劉元錫永甯進士官德州知州乾隆八年發帑修城  
以工代賑元錫悉心經理十年訖工報銷  
朱若炳臨桂進士官德州知州誠心愛民幾於無訟  
公餘集生童講課文藝乾隆十六年辦理

政績錄

南巡大差全不假予胥役親與父老約不傷  
而事無不就理

行在召見特遷九江知府

黃登穀宛平進士叔琳次子官德州知州秉文教以  
敷治遇州士大夫禮最隆而廉隅亦最嚴日坐大堂  
訟者曲直立判

顏希深連平貢生官山東督糧道清操自勵署內皆  
布衣糲食乾隆二十六年水災督率文武極力捍禦  
以保城池倉庫而民無滋擾

楊成龍大同拔貢署德州知州值州大水民間器物  
隨水漂流有無賴棍徒駕船搶掠成龍親歷災所立  
拿究治無賴斂跡百姓安之

徐世恩官德州營守備乾隆二十六年大水城輒浸  
沒二十餘層各門皆屯土以衛忽西門內水從溝突  
出勢如泉湧民驚惶無措世恩首先入水解衣塞源  
蹲坐其上旋堅築之時綠旂滿營兵丁及左右居民  
無不從而力為堵塞始得無害

石之珂漢軍進士官德州知州政尚嚴明案牘不負  
月捐廉施衣粥每徵糧察有貧乏老疾力不能完  
恤頗至

李燕洛陽進士官德州知州渾厚精明謹慎勤敏案  
無留牘多所平反乾隆二十九年逆匪王倫作亂州  
兵大半調發城守卑弱燕廣募民夫躬率稽巡晝夜  
不懈京兵過境一切供應調度有方事不煩而民不  
擾州境內如無事焉升濟南知府四十一年

南巡屢蒙

召見嘉許尋擢濟東道